

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-5450/23  
Sarajevo, 05.4.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o nabavci roba, vršenju usluga i ustupanju radova, a na preporuku Komisije za javnu nabavku radova, Općinski načelnik donosi

## **ODLUKU**

### **Izvođenje radova na rekonstrukciji i adaptaciji općinskih stanova**

#### **I**

Prihvata se preporuka Komisije za javnu nabavku radova i ugovor u postupku javne nabavke – Izvođenje radova na rekonstrukciji i adaptaciji općinskih stanova, broj obavještenja 422-1-3-44-3-35/23, objavljeno na Portalu javnih nabavki dana 08.3.2023.godine i u “Službenom glasniku BiH”– Oglasnik javne nabavke broj 18/23 od 17.3.2023. godine, dodjeljuje se ponuđaču ZZ “Gros-Comp” Hadžići, sa ponudenom cijenom za ugovor u iznosu od 85.185,69 KM bez PDV-a, odnosno 99.667,26 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

### **Obrazloženje**

Odlukom broj 02/12-19-5450/23 od 28.12.2023. godine Općina Novi Grad Sarajevo pokrenula je otvoreni postupak javne nabavke – Izvođenje radova na rekonstrukciji i adaptaciji općinskih stanova, broj obavještenja 422-1-3-44-3-35/23, objavljeno na Portalu javnih nabavki dana 08.3.2023.godine i u “Službenom glasniku BiH”– Oglasnik javne nabavke broj 18/23 od 17.3.2023. godine.

Zapisnikom o otvaranju ponuda od 29.3.2023. godine Komisija je konstatovala su u predviđenom roku, u propisno upakovanim kovertama, pristigle tri (3) ponude ponuđača:

1. „Oki upravitelj” d.o.o. Sarajevo
2. ZZ “Gros-Comp” Hadžići
3. “Galbols” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku, te utvrdila da dostavljena ponuda ponuđača „Oki upravitelj” d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.1.4. Priprema ponuda – ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Ponuđač je u Obrascu za cijenu ponude - Aneks 3 vršio ispravke za stavku br. 3 na strani 10 ponude i za stavku br.16 na strani br.15 ponude, navedene ispravke su potvrđene potpisom i pečatom

ponuđača ali nije naveden datum ispravke. Ponuđač ne ispunjava kvalifikacioni uslov tražen u tenderskoj dokumentaciji iz tačke 3.4.1. (3) tehnička i profesionalna sposobnost: *da ponuđač u stalnom radnom odnosu ima zaposlenog jednog diplomiranog inženjera – građevinske ili arhitektonske struke sa položenim stručnim ispitom i 5 /pet/ godina radnog iskustva u struci*”, a što se dokazuje shodno tački 3.4.2. 3) tenderske dokumentacije: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog diplomiranog inženjera - građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija )*. Ponuđač “Oki upravitelj” d.o.o. Sarajevo je na stranici 39. ponude dostavio je Listu osiguranih lica koju je izdala Porezna uprava FBiH-Porezna ispostava Centar broj 13-9/2-12-5-384/23 od 08.02.2023.godine, dakle stariju od 30 dana računajući od dana utvrđenog kao krajnji rok za predaju ponuda a kao krajnji rok za predaju ponuda je određen 29.03.2023.godine. Nadalje, Komisija je utvrdila da je ponuđač kao dokaz da ispunjava uslove iz navedene tačke tenderske dokumentacije dostavio kopiju diplome za zaposlenog inženjera na neodređeno vrijeme koju je izdao Građevinski fakultet univerziteta u Mostaru. Uvidom u dostavljenu diplomu Komisija je utvrdila da se odnosi na stečenu akademsku titulu bachelor građevinarstva, ne diplomirani inženjer građevinarstva, a tenderskom dokumentacijom zahtijevan je dokaz da ponuđač u radnom odnosu na neodređeno vrijeme ima zaposlenog diplomiranog inženjera arhitektonske ili građevinske struke.

Iz naprijed navedenih razloga utvrđeno je da ponuđač „Oki upravitelj” d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. pod 3. – tehnička i profesionalna sposobnost i tačke 4.1.4. odnosno da je nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama

Komisija je utvrdila da ponuda ponuđača „Galbols“ d.o.o. Sarajevo prelazi planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka (gdje je procijenjena vrijednost 100.000,00KM sa PDV-om). Shodno navedenom ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije*.

Iz naprijed navedenih razloga utvrđeno je da je ponuda ponuđača „Galbols“ d.o.o. Sarajevo neprihvatljiva u skladu sa članom 2. stav (1) tačka i) Zakona o javnim nabavkama BiH.

Komisija je utvrdila da ponuda ponuđača ZZ „Gros-Comp“ Hadžići ispunjava formalno-pravne i kvalifikacione uslove tražene u tenderskoj dokumentaciji. Izvršena je računaska kontrola ponude te utvrđena računaska greška u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije. Navedene greške su se odrazile na to da ukupno ponuđena cijena za ugovor u Aneksu 2 i Aneksu 3 ponude treba da iznosi 85.185,69 bez PDV-a, PDV treba da iznosi 14.481,57 KM a ukupna cijena za ugovor treba da iznosi 99.667,26 KM sa PDV-om. Komisija je dana 31.3.2023.godine uputila ponuđaču obavijest o ispravci računske greške, o čemu je ponuđač dostavio saglasnost broj 34-03-08/23 dana 03.4.2023. godine.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem ZZ “Gros-Comp” Hadžići.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101 Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova

